



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 102. Exiguus Christianorum urbem propugnantium numerus

[urn:nbn:de:hbz:466:1-66507](https://nbn-resolving.de/urn:nbn:de:hbz:466:1-66507)

Sæcul. XV. tæ naves, quæ hostium incursum prohiberent.
A. C. 1453.

§. CI.

Turcarum naves terrestri itinere adductæ.

Phranz.
l. 5. c. 10.

Chalcon. l. 8.

Ubi autem alia, quæ priori longe validior erat, Turcarum classis adveniat, stupendum facinus Turcæ moliti sunt, ut referunt Scriptores; rem enim non nostra, sed aliena fide describimus. Fertur, quod Turcæ diversas adhibendo Machinas in elevatum terræ locum septuaginta naves adduxissent, easque per declivia in portum tanta solertia devolvissent, ut intra unius noctis angustias octo millium passuum iter conficerent, ipsis etiam stupentibus Græcis, ac de rebus suis tum maxime desperare incipientibus, cum mox pontem a Turcis constructum viderent, ex quo tormentis urbs quatatur.

§. CII.

Exiguus urbem propugnantium numerus.

Sic urbe omni ex parte cincta, Imperator milites suos in plures copias ad eam propugnandam distribuere compulsus est. Phranzes, in hac obsidione rerum gestarum testis, memoriae proditum reliquit,

reliquit, quod Virorum armis aptorum Sæcul. XV.
 numerus in urbe, præter bis mille extra- A.C. 1453.
 neos, quinque tam Monachorum quam
 laicorum millia haud excederit. Unde sat
 mirari non possumus, quod Constantinus,
 cui a longo tempore bellica Mahometis
 consilia probe comperta erant, in tam
 ampla, tamque frequenti urbe haud po-
 tuerit colligere numerosum magis exer-
 citum, quo Turcis dubiam saltem redde-
 ret victoriam. Cum vero Historici refe-
 rant, quod quadraginta hominum millia *Phranz.l. 52*
 in civitate a Turcis necata fuerint, & *cap. 17.*
 sexaginta millia capta, certe ad horum
 censum vocari debebit multitudo incola-
 rum inutilis, ac gerendis armis inepta.
 Ceterum non desunt, qui numerum di-
 micantium augentes, sex millia Græco-
 rum, tria exterorum, qua Venetorum, qua
 Genuensium extitisse scribunt. Sed
 quid demum hoc ad tantam Turcarum
 copiam, quorum numerum trecenta, aut
 omnino quadringenta armatorum mil-
 lia, & trecenta ac amplius belli navigia
 confecisse, Chalcondyles testatur. Ni- *Chalcond.l. 8*
 hilominus hostium numerus, atque po-
 tentia civium animos superare non po-
 tuisset, quinimo haud dubie Turcarum
 conatibus tardior obsidionis successus col-
 lusisset, nisi Mahometes suas inter copias
 quemdam numerasset Hungarum, qui
 non solum mira dexteritate explodere

Z 3 noverat.

Sæcul. XV.
A. C. 1453.

noverat, sed etiam tam raræ longitudinis atque crassitudinis tormenta fundere, ut hæc ducentarum librarum lapideos globos facile excuterent. Fertur quoque, eundem Pyrobolarium inter ceteras Mahometi adeo proceram construxisse machinam, ut ei trahendæ adhiberi debuerint septuaginta juga boum, & Viribus mille, ejusque tonitru finitima regio usque ad quinque millia passuum circum circa concuteretur; lapis vero, quem tormentum illud novem pedibus ore patens vibrabat, mille ducentas libras ponderasse scribitur. Attamen adeo suspendæ rei fides merito nobis suspecta est, utpote a Græcis relatæ, qui semper facta, quæ narrant, immodice efferre solent. Ceterum hujus tormenti artifex Religioni Christianæ addictus erat, ac primo militare suum obsequium Græcorum Imperatori obtulit, a quo tamen minus benigne exceptus, Mahometem audiit; hic eum illico magnis muneribus auxit, ac successu temporis ampliores spes ei fecit. Verum magna ista bombarda, cum exploderetur, in frusta diffiliens, inter plurimos alias misere enecatos, proprium suum inventorem discepit. Sultanus eandem denuo fundi jussit, ceteras omnes interea machinas muris dejiciendis tanto adnisu admovens, ut globorum ac flammæ tempestate die noctu-

que

que continuata, brevique omnibus urbis Sæcul. XV.
propugnaculis penitus eversis, amplæ u- A C. 1453.
bique ad irrumendum ruinæ paterent.

§. CIII.

*Constantinopolis ingenti furore a
Turcis oppugnata.*

Eodem tempore Mahometes undique fossas impleri jussit, ipsusque hortatu suo laborantium solertiam stimulabat, felici adeo successu, ut Turcæ Principis sui præsentia accensi, tanto ardore opus aggrederentur, ut plurimi tumultuarie concurrentes ob mutuam compressionem pedibus conculcati, aut terra obruti perirent. Paulopost horrenda admodum sagittarum, lapidum, & globorum tempestas omni ex parte obfessorum impetebat capita; ejusmodi enim furore Turcæ Christianos dispergere, ac suis stationibus, quas tuebantur, propulsare conabantur.

§. CIV.

*Suppetiæ a Genuensibus, Justiniano
duce Græcis latæ.*

Genuenses, cum tam arcem quam Galatam, sive Peram, oppidum sat exiguum e regione portus situm occupassent, propriæ utilitatis studio animati, Constantinopolitanam urbem tueri sta-

Z 4 tuebant;